

ÁKVÖRÐUN SAMEIGINLEGU EES-NEFNDARINNAR
nr. 22/2008

frá 14. mars 2008

um breytingu á II. viðauka (Tæknilegar reglugerðir, staðlar, prófanir og vottun) við EES-samninginn

SAMEIGINLEGA EES-NEFNDIN HEFUR TEKIÐ NEÐANGREINDA ÁKVÖRÐUN

með hliðsjón af samningnum um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist hér á eftir „samningurinn“, einkum 98. gr.,

og að teknu tilliti til eftirfarandi:

- 1) II. viðauka við samninginn var breytt með ákvörðun sameiginlegu EES-nefndarinnar nr. 132/2007 frá 26. október 2007 ⁽¹⁾.
- 2) Fella ber inn í samninginn tilskipun Evrópuþingsins og ráðsins 2007/45/EB frá 5. september 2007 um reglur um tilgreint magn forpakkaðrar vöru, um niðurfellingu á tilskipunum ráðsins 75/106/EBE og 80/232/EBE og um breytingu á tilskipun ráðsins 76/211/EBE ⁽²⁾.
- 3) Samkvæmt ákvæðum tilskipunar 2007/45/EC falla úr gildi 11. apríl 2009 tilskipanir ráðsins 75/106/EBE ⁽³⁾ og 80/232/EBE ⁽⁴⁾, en þær gerðir hafa verið felldar inn í samninginn og ber því að fella þær úr samningnum þannig að sú breyting komi til framkvæmda 11. apríl 2009.

ÁKVÖRÐUNIN ER SVOHLJÓÐANDI:

1. gr.

IX. kafli II. viðauka við samninginn breytist sem hér segir:

1. Eftirfarandi undirliður bætist við í 15. lið (tilskipun ráðsins 76/211/EBE):
„– **32007 L 0045**: Tilskipun Evrópuþingsins og ráðsins 2007/45/EB frá 5. september 2007 (Stjtið. ESB L 247, 21.9.2007, bls. 17).“
2. Eftirfarandi liður bætist við á eftir lið 27b (tilskipun Evrópuþingsins og ráðsins 2004/22/EB):
„27c. **32007 L 0045**: Tilskipun Evrópuþingsins og ráðsins 2007/45/EB frá 5. september 2007 um reglur um tilgreint magn forpakkaðrar vöru, um niðurfellingu á tilskipunum ráðsins 75/106/EBE og 80/232/EBE og um breytingu á tilskipun ráðsins 76/211/EBE (Stjtið. ESB L 247, 21.9.2007, bls. 17).“
3. Texti 12. liðar (tilskipun ráðsins 75/106/EBE) og 25. liðar (tilskipun ráðsins 80/232/EBE) falli brott 11. apríl 2009.

⁽¹⁾ Stjtið. ESB L 100, 10.4.2008, bls. 1, og EES-viðbætur við Stjtið. ESB nr. 19, 10.4.2008, bls. 1.

⁽²⁾ Stjtið. ESB L 247, 21.9.2007, bls. 17.

⁽³⁾ Stjtið. EB L 42, 15.2.1975, bls. 1.

⁽⁴⁾ Stjtið. EB L 51, 25.2.1980, bls. 1.

2. gr.

Íslenskur og norskur texti tilskipunar 2007/45/EB, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi 15. mars 2008 að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 14. mars 2008.

Fyrir hönd sameiginlegu EES-nefndarinnar

Alan Seatter

formaður.

(*) Engin stjórnskipuleg skilyrði gefin til kynna.